

## ՊԱՆԴՈՒԽՏ ՀԱՅԻ ԳԱՐՈՒՆԸ.

Բացուեց գարունը, երկիր կանաչեց.

Համայն բնութիւն շքեղ զարգարուեց.

Մեր երկիրը հիւր կուունկն եկաւ,

Իւր կուկոցով աշխարհը լցրեց.

Իսկ ես աստ օտար

Հեծեմ վշտահար.

Ամբողջ ցորեկը բեռը շալակիս

Շուկայից շուկայ ես պտտումեմ.

Գիշերն անհանգիստ՝ գլուխս չոր գետնին՝

Գառն երազներում տանջվում մաշվումեմ.

Այստեղ կարեկից

Չունիմ վշտակից.

Հետու իմ ծնողք, կին ու զաւակներ

Ճամբաս կպահեն երկար տարիներ.

Մի քանի շահի որ վաստակելով

Գնամ սփռփել նոցա գառն օրեր,

Որոնք զօրն ի բուն

Ինձ են սպասում.

Անցան ամիսներ, հիւանդ բնկած եմ,

Ընտանեացս տեսոյն կարօտ կհեծեմ.

Ես աստ կենսամաշ, անդ նոքա անտէր.

Ո՞վ կինամէ այն անմեղ գառներ.

Այս այս գարունն ինձ

Գառն է անցեալից.

Թէ ինձ կլսէք, ո՞վ հայ եղբայրներ,

Երբէք չէք բաժանուիլ ձեր հայրենիքէն.

Հայրենիքի մէջ վաստակած չոր հայ

Շատ ու շատ քաղցր է քան թէ օտարաց

Երկրում ձեռք բերած

Բաղզն ու անբաւ գանձ.

ՍԷՅ.

## ՆԱՄԱԿ ԱԳՔԻՐՄԱՆԻՑ

Ինչպէս անցեալ տարի Ագքիրմանիս Հայ հասարակութիւնը ի ներկայութեան փիճակիս Գեր. Առաջնորդ Հօր փութաց իր երկսեռ ծխական դպրոցի հոգաբարձու Պ. Ծերօն Աստուածատրեանի 30 ամեայ՝ անընդհատ սոյն պաշտօնավարութեան համար իր շնորհակալեաց քուէն տալ:

նայնպէս և այս տարի խնդրագիր հանրագրով մ'ղիմեց Նորին Բարձր Սրբազնութեան որ իր մեծ միջնորդութիւն ի գործ զնելով, առ որ էն, որպէս զի յարքունուստ ևս պատուանշան մը շնորհուի Պ. Ծերօն Աստուածատրեանի ի վարձատրութիւն իւր լիուլի արգեանց և ազգօգուտ ծառայութեանցն:

Այն նուէրներու մասին կ'ըսեմ, որք ցայսօր լի են եկեղեցւոյ գանձատան մէջը իբր յիշատակ, և և այն ծառայութեանց համար կ'ըսեմ՝ որ մատոյց և որ դեռ կը մատուցանէ իր հոգաբարձութեան ընթացքի մէջը: Ինչպէս դպրոցին կտակուած այն փոքրիկ գումարը, դրամագլուխը, որ հազիւ 1500 բուրլոյ կը յանգէր իսկզբան, այլեւայլ շահաբեր միջոցներով հիմայ այնպիսի մի կիրառութեան մէջ է մտած, որ և տարուէ տարի 600—700 բուրլի շահ կը գոյանայ. և անով է՝ որ ահա դպրոցնիս երկաթ տարիներէ ի վեր անսայթաք կը տոկայ իր ծախուց առջև, և այլն:

Արդ, ամփոփելով խօսքս այս մասին, կ'ուզամ նախ խորին շնորհակալութիւնս յայտնել տեղւոյս ազնիւ հայրենակից համազգեացս, որք զնահատել կամեցան իրենց դպրոցին ընդ միշտ ծառայող անձին գործքն, և երկրորդ որդիական պարտաւորութեամբ՝ յանուն Ազգիրմանիս Հայոց՝ խորին և երախտապարտ զգայումներս յայտնել Գեր. Տ. Մակարայ Ս. Թեմակալ Առաջնորդի մերոյ, որ հաճեցաւ նորին Սրբազնութիւն ևս իր Հայրական և խորին ուշադրութեամբ ընդունել առ ժամայն իւր որդւոց խնդիրն, և խոստացաւ իր միջնորդութիւնն ի գործ զնել առ այս: Հաճեցէք, . . . . ի խրախոյս այլուր անձնուէր ծառայողացն Ազգիս, սոյն երկտողս հիւրընկալել Ձեր պատուական Արարատ հանդիսին մի անկիւնը:

ԿԵԼԻՔՈՆ ՊԵՏՐՈՍԵԱՆ ԲԵՐԾՍՈՍԱՏՐԵԱՆՑ.

ՍԻՆՕԳԻ ՕՐԱԳՐՈՒԹԻՒՆՆԵՐԻՑ.

Ի 12 Ապրիլի 1882 ամի. Յովհաննէս քահանայն Թեմուրագեանց Տփլիսեցի յօրէ ծնունդբութեան իւրոյ ցայսօր ի պատճառս անվայել կոչման իւրում ընթացից և և բնութս բնաւորութեան և վարմանց իւրոց քանիցս ենթարկեալ է ընդ պատժօր, որովք տակաւին ոչ զգատացեալ ի նոյնօրինակ դնացիցն՝ լինի օրինակ և ատիժ գայթակղութեան և այլոց քահանայից:

Առ առաջնորդութեամբ Մակարայ Արքեպիսկոպոսի՝ Առաջնորդի վիճակին վրաստանի նա — Յովհաննէս քահանայն Թեմուրագեանց վասն զոռոգ, անհամեստ, կուտաւէր և յափշտակող բնաւորութեան իւրոյ, հրամանաւ Ս. Սինօզի արգելեալ է ի քահանայագործութենէ և անկեալ ընդ ապաշխարանօր. բայց նորա ոչ անսպեալ անօրէնութեան Ս Սինօզի չէ կատարեալ զապաշխարանս իւր: